

Hmar Christian Fellowship, Delhi

Thupui: *Khawvel po poah fe unla thil siemhai po po kuomah ChanchinTha hi hril ro.* Marka 16:15

Executive Committee

Chairman Upa Dr Lalsiemlien Pulamte
Vice Chairman Pu L B Tuolte
Secretary Pu Herbert Lalsanglur
Asstt. Secretary Pu Lalthungsiem Thlawngate
Secy Fin (M) Pu Timothy Shakum
Secy Fin (G) Pu Darsuothang
Secy Evan. Pastor Lalditsak Inbuon
Membarhai: Pu Benjamin Khawbung
Pu H K Kawllienthang
Pu Hrangkaplien
Ex-off Members: Depth Head-hai po
Pastor Laldisak Inbuon

Nuhmei Pawl Committee

Chairperson Pi Haulientling
Vice Chair. Pi Rohlun Hrangchal
Secretary Pi Chonghoi Inbuon
Asst. Secretary Dr Donny Tuolte
Fin. Secy (Gen) Pi Sari Ralsun
Fin. Secy (Msn) Pi Grace Khobung
Membarhai:
Pi Rengi Ruolngul Pi Darlienzo
Pi Hoilam Pi Lalrothuong
Pi Lalhuolhim

Thalai Pawl Committee

Chairman Tv Jessai Shakum
Vice Chairman Tv Johnson Hmar
Secretary Tv Zarzolen Infimate
Asst. Secretary Tv William Dargawn
Fin. Secy (Gen) Nk Esther Lalramhuol
Fin. Secy (Msn) Nk Dorothy Lalneizo
Music Secretary Tv Lalneilien Inbuon
Membarhai:
Nk Thlimawnmawi Nk Kimi Pulamte
Tv Ramngailien Pu Vanlalmuon Joute
Tv Joseph Pakhuongte Tv Stephen L Ruolngul
Tv Jared Vardinthar Varte

Mission Field Thawktuhai

Pastor Lalsiesang Evan Raman Lal
Evan Jostna Lal Evan Rehana
Evan Vanlaltlan Amos Tv Joshua Sungte
Tv Sunil Rawat Nk Deepika
Nk Arpita Barua Nk Neha Lal
Evan Phirlienmawi Evan Pramod Kumar

Naupang Sande Sikul

Pu Laltiana Chhangte Superintendent
Pu Timothy Shakum Asstt. Supdt
Zirtirtuhai:
Pu Lalhmingtha, Pi Dr Lalsanghnem
Pi Zolienmawi, Pi Judith Sanate
Pi Lalnunmawi, Pi Vida Lalzarzo
Nk Sari Buongpui, Nk Nienghoikim
Nk Betsy Ramtuokkim Tv.Hrilzarlien.

Vengbuk Inkhawm Thuoituhai

Vikaspuri

Immanuel Khobung, Grace Khobung,
Lalhmingmawi

RK Puram-I

Suothang, LK Thagen, Haulientling

RK Puram-II

Thanglalmuon, Vanlalthang, Chalthanthieng

Safdarjung Enclave

Hrangkaplien, Edward Sungte, Lalhrietpui

Vasant Vihar

Darsuothang, Lalthungnhung, LH Hrangchal

Mahipalpur

Joseph Lalremlien, Robert Khobung, Margareth

Mehrauli

S.Ginkhochinthang, Jared V.Varte, Kim Thlawngate

South Extension

Lalneihlu, Chawnglienmawi, Stephenie Pudaite

Munirka

C.L.Huola, Lalthuoisuok Pudaite, Lalremruot
Nungate

North Delhi

Dr. Robert Varte, Gordon Amo, Roselyn Buhril

Gurgaon

Alan Sinate, Vanlalthuthlung, Dardingpui

Vol-6. No.2

February 2011



Hrepuitu

HMAR CHRISTIAN FELLOWSHIP DELHI CHANCHINBU

Hmangaina Hril Seng Lo

I Tongtaina Hriet A Nih

Mihrang Pasaltha Pautinkhûp

Chuong thil po po chu a hrepuitu in nih. (Luka 24:48)

Hrepuitu : February 2011

Hrepuitu : February 2011

Hrepuitu

Hmar Christian Fellowship Delhi
Chanchinbu Thlakip Suok
Vol. 6 No. 2 (February, 2011)

Editor:

Upa Lalsiemlien Pulamte

Jt. Editor:

Pastor Lalditsak Inbuon

Editorial Members:

Lalchungsiem Thlawngate
Timothy Shakum

Address:

Editor, **Hrepuitu**,
14/16, MS Building,
NPL Colony,
New Rajinder Nagar,
New Delhi - 110060

Tel: 09868183268

Email: hrepuitu@yahoo.com

Lakman:

Copy khat Rs 10.00
Kum khat Rs 100.00

Suttu:

Upa Lalsiemlien Pulamte
(Hmar Christian Fellowship
Delhi aiin)

Hi chanchinbu-a hin Hmar Christian Fellowship Delhi le a rongbawlina chanchin a chuong a. A sunga thuhai hi Pathien rongbawlina hmangruoa hmang nuom ta dingin hmangsaung le lâksawng thei a nih a. Thawsuol le sukdiknaw pal thua ruok chu ahmangtu'n maw phur a tih. Ngaidân suklanga um(hai) hi HCF Delhi ngaidan a(n) ni chuongkher nawn.

- Editor

Editorial.....

Kristien Puitling Nun

Tu kum HCF Delhi thupui dingin "Kristien puitling nun" ti a nih. Kum 100 Kristien ni tah hai ta ding chun a thupui hi a awm naw khom ei ti thei a. Amiruokchu, chik taka ei Kristien nun ei sui chun kong tam takah ei puitling nawn hmu theiin a um. Kristien puitling nun le thlarau nun puitling ti hai hi a umzie inangah ngai thei ning a tih.

Kristien hai hi Krista hnung zuituhai ei ni leiin ama ei enton ding a nih. Tirko Paula hi thlaraua puitling nun khaltu enton tlak tak a nih. Ama ngei khoma "Keiin Krista ka enton ang hin nangni khoma mi enton ve ro" (I Kor 11:1) tiin a mi'n fui a. Chu chu thaw theina ding chun "... mi tin el chu Krista kan sukpuitling theina dingin kan warna po po hmangin kan keihruoi a, kan inchuktir hlak a nih" tiin Tirko Paula vekin Kol 1:28-ah a mi lo hril a nih.

An leh, Kristien puitling nun hriettheina hai chu ieng iem ni tang a ta? Kristien puitling chun Pathien thu a zawm theina dingin Pathien thu ngun taka tiemin a dawnkhawl hlak a. Sermon ngaithlak chauh hi hun tawk a ti nawn. Pathien le inbiekpawna hmangruo poimaw tak, tongtaina hi a'n thlada ngai nawn. Tongtaina hin Pathien inpakna, chawibiekna, suol thuphachawina, mamaw ngenna, lawmthu hrilna le inhlan tharna hai dam a thangsak hlak ding a nih. Ei tongtainahai hi thilhni bak a fun da' awm de! Thilhni seng senga khom taksa thilhni nekin thlarau thilhni tam lem sien tongtaina puitling ning a tih. Ei tongtainaah Pathien inpakna le chawibiekna ri lem

Hrepuitu : February 2011

TUOLSUNG CHANCHIN

Union Biblical Seminary, Pune chun 27 February 2011 khan Graduation Day a lo hmang a, hi taka hin Pastor Lalsiesang kuomah Bachelor of Divinity (BD) degree chu inhlan a lo ni tah. Hi huna ama va tawiawm dingin Upa Lalsiemlien Pulamte (HCFD Chairman), Evan Vanlaltlan, Evan Pramod le ei membar thenkhat an va thang. BD a'n chuknaa inthok Lalpa'n rongbawlina ding tam tak hong pekin kohran hai beiseina a suksang ngei ring a um. Ei tongtaina Lalpa'n a mi don ei hriet leiin ei lawm em.

Kohran Upa inthlang, 20 February 2011-a ei nei kha hlawsamah inngai inla khom Pathien kuomah kohranin nasa deua ei lo tongtai hlak a'n leiin Pathienin a mi la pek naw angin ei ngai lem a nih. A kohran hai enkoltu ding ei zong a'n leiin Pathienin a hun takah ama mi thlangpek ngei kohran upa a mi la pek ei beisei tlat a nih.

Vengbuk Bible Study, February thlaa nei tan kha sunzom zing a nih. Chanchin Tha Johan ziek subject-a hmang a ni a, vengbuk hmun parietah thla tin Bible study voi nhieh nei hlak a nih. Pastor Lalditsak, Upa Lalsiemlien Pulamte, Pu Laltlana Chhangte le Pu Timothy Shakum hai hi thuoitu dinga hmang an nih.

Inhriettirna le ngenna

Mi tuel khom sermon, Pathien thu tieng artikul, testimony le thuthar/hlathar donghaiin hi Chanchinbua insuo ding in hung pekthei zing. Chun, hi Chanchinbua ei kohran chanchin le rongbawlina ei insuo hai hi mimal le vengbuk inkhawm tongtaina subject-a hmang nghal dingin ei infiel bok a nih. Chu khelah, Pathien rama thahnemngai a, ei Chanchinbu page sponsor nuom dam ei um chun peik khat peiah Rs 100-a sponsor thei zing a ni bok.

- Editor

Vêngbuk Bible Study Program, March 2011

A Tarik le Ni	Vengbuk	Thuoitu
Lesson 3: Johan 1:35-51		
8.3.11 (Thawlenni)	West Delhi	Pastor Lalditsak Inbuon
9.3.11 (Nilaini)	DU North	Upa Lalsiemlien Pulamte
10.3.11 (Ningani)	Munirka	Pastor Lalditsak Inbuon
11.3.11 (Zirtawpni)	RK Puram	Pu Timothy Shakum
11.3.11 (Zirtawpni)	Vasant Vihar	Upa Lalsiemlien Pulamte
11.3.11 (Zirtawpni)	Mehrauli	Pu Laltiana Chhangte
12.3.11 (Inrinni)	Mahipalpur	Upa Lalsiemlien Pulamte
12.3.11 (Inrinni)	South Extn	Pastor Lalditsak Inbuon
Lesson 4: Johan 2:1-11		
22.3.11 (Thawlenni)	West Delhi	Upa Lalsiemlien Pulamte
23.3.11 (Nilaini)	DU North	Pastor Lalditsak Inbuon
24.3.11 (Ningani)	Munirka	Pu Laltiana Chhangte
25.3.11 (Zirtawpni)	RK Puram	Upa Lalsiemlien Pulamte
25.3.11 (Zirtawpni)	Vasant Vihar	Pastor Lalditsak Inbuon
25.3.11 (Zirtawpni)	Mehrauli	Pu Timothy Shakum
26.3.11 (Inrinni)	Mahipalpur	Pastor Lalditsak Inbuon
26.3.11 (Inrinni)	South Extn	Upa Lalsiemlien Pulamte

hi chu ngaithlak ding vang mei a tih. Chuong chu a ni chun chungleng vatehai, thilhringhai le thing le ruo hai khom ei tluk ta naw ning a ta, hlain "Mihriem chauh naw chu (Pathien inpak dân) inchûktir an ngai nawh" a lo ti hih ei nina a lo ni tah el awm ie.

Kristien puitling chun Pathiena inthok a dong thilpêk (gifts) le malsawmna hai a enkol tha a, kohran inthanglienna le Pathien rongbawlina dingin a pêkkir nawk hlak. Thawluina leiin thilpek a pek ngai naw a, malsawmna petu Pathien kuomah lawmthu hrilnain a pek lem hlak a nih. Lawm taka petu chun Lalpa a suklawm hlak a nih.

Ringtu puitling chun Pathien hming ropuizie le a ngilneina phuina tongbau le a nunah Pathien a chawibiek hlak. Kristien puitling chun a umna kohranah a thei ang angin rong a bawl hlak. Kohran ta dinga tangkaina nei rak lo le inkhawm inthlada hlak kohran membar chu ringtu puitling ni thei naw nih. Kristienhai hi inpawl khawma insukhratton ding ei ni leiin mani khatin Kristien tha ni a harsa.

Mihai kuomah ei thuring (faith) intlun le inhrietir hi ringtu luongsuokna a nih. Chanchin tha puongdar dinga thupêk hi

Isu Kristaa inthoka suok a'n leiin inza ding a nih. Isu Krista mi sandamna thu poimaw tak hi ei pêksawng pei ding a nih. Hi thu hi a hun le a hun nawa khom thuhril le ei khawsak danin a puongsuok ding a nih.

Pathien le intlon hlak mi ei ni bok ding a nih. Pathien leh ei nuomzawng hai, ei ditzawng hai, ei ngaisang zawng hai le ei ngaihlut zawng hai an hung inmil a ngai a nih. Chu ding chun thlaraua um a tul leiin ei hringnun hi Thlarau Thienghlim thuhnuoia sie a ngai. Tisa nuomzawnga umhai chun Pathien le intlon harsa an ti hlak. Tisa mi ringtu tamna hmunah Kristien puitling hmu ding an vang hlak. Thlaraua um hai chu Thlarau thuoiiin an um a, anniah Thlarau ra hieng hmangaina dâm, lawmna dâm, inremna dâm, dawtheina dâm, ngilneina dâm, thatna dâm, ringumna dâm, zaidamna dâm le insûmna dâm a rasuok hlak a nih. Ei tulai Kristien ramah hieng hai hi hmu ding a vâng deu deu a hoi khop el. Chu chun ei mie le puitlingna tienga ei phâk chin ding a mi sukchieng pêk êm êm a nih. An nun khaltua Thlarau Thienghlim hmanghai chun puitlingna tiengah Krista angna an nei deu deu a, chuonghai chu Kristien puitling ei ti hai chu an nih.

-Upa Lalsiemlien Pulamte

Sermon.....

Hmangaina Hril Seng Lo
-Zarzolien Keivom (Greater Noida)

“Pathienin khawvel a hmangai em leiin a Naupa khat nei sun a pek a, ama ring taphot chu bohman lo chatuon hringna an nei lemna dingin” (Johan 3:16).

Pathien hmangaina thu hi a hril thiem le hril thei ngiel ngiel tam hai sien khom hril tawp thak thei chu an um nawh. Ei hrilrawn po leh an lang zuol deu deu, a thlum deu deu bok. Thil thlum dang ang khom a ni nawh. Thil thluma hril khuoizu khom hi tui ei pol teuh chun a dong hlak. Pathien hmangaina ruok hi chu ieng thil khoma pol sien a dain a dal thei chuong nawh. Chuong ang lawma hmangaina ropui le inthuk chu a then beka tam hnema an hmang takduoi beiseiin ka hung thur suok ve chot el a nih.

Genesis 1:1-31 ei tiem chun Pathien thil siem chanchin tawi fel deua ziek ei hmu a. A thil siem dana inthok hin a thil tum le mihriem a hmangaizie le a ngaituona inrilzie khom chieng taka hriet theiin a um. Mihriem a siem khan a hmangai em leiin, a siem zo chara a mamaw ding var a siem hmasa phot a. Tui le tui inkarah boruok zau tak, van a’n umtir nawk a, van khup hnuoia tui po po hmun khatah inluongtirin khawmuol le tui a the a. Mihriem a siemhai umna ding hnuoi, an dawn ding tui, an fak ding thlai chi tinreng le thei kung chi tinreng a siem nawk a. Sun le zan thetu ding le hun bihai inchikna dingin van boruok zau taka khin nisa, thla le arasi hai a siem bok a. A ni

ngana chun tui pui, khawmuol le rannung chi tinreng a siem a, mihriemhai mamaw ding chu a siem zo tah a nih.

Pathienin hnuoi le van le a sunga um po po a siem san tak mihriem chu ni ruk ni chun hnuoi pilvut hmangin a siem a, a hnarah hringna thuok a’n thuok khum a, mihriem chu mihring a hung ni tah a nih (Gen 2:7). Pathienin mihriem a siem dana inthok ringot khom hin a hmangaina inthukzie le insangzie hmu theiin a’n lang chieng tawh hle a nih. Mihriem chu Pathien angpuia siem, ama hringna le inzomna nei a nih.

Pathienin khawvel a hmangaizie kong dangin hang hril nawk pei ei tih. A mihriem siemhai kha an mamaw tinreng a siempek lei elin ram palai lakah a’n suo el naw a, an umna ding huon mawi em em el a siempek a nih. Tu laia huon mawia mi hril Japan bonsai garden neka mawi le famkim lem, thing mawi tak tak le ra inhnik tak taka sip, hringna thing le a sie le a tha hriet theina thing chen umna, huon danglam a nih. Chu chauh khom chu a ni nawh. Huon sukhawngtu dingin vadung a luong a, chu taka inthok chun vadung paliin a peng dar a. Pison vadung lem lem hi chu rangkachaka khom a tha

SL	Mission Centres	A/c Heads	Balance 2009	Receipts 2010	Total	Expenditure	Balance
1.	Shikoha-bad	Sunday Offering	Nil	2343	2343	1844	499
2.	Mainpuri	Sunday Offering	Nil	3650	3650	844	2806
		Tithe	3678	19989	23667	10405	13262
3.	Kakrola	Sunday Offering	Nil	419	419	400	19
4.	Mundka	Sunday Offering	558	1185	1743	900	843
5.	Shiv Vihar	Sunday Offering	1601	20333	21934	21772	162
		Tithe	6842	56281	63123	54587	8536
		Faitham	Nil	1921	1921	680	1241
		Missionary Fund	Nil	24098	24098	23238	860
Grand Total			12679	1122191428981-14670			28228.00

MIHRÂNG PASALIHAI Pautinkhûp (-1962)

North Cachar Hills-a inthoka Hmar tonga Kristien hla phuoktuhai laia langsar tham chu Pautinkhup chau hi a ni el awm. Independent Kohran hlabu sut sarinaah a hla phuok 22 a um a, thahnemngaina hla deu vong an nih. Ama hi Phaipui khaw mi a na, mi bengvar hmasa pawl tak, cheng thum chauh thla khatah hlawa zirtirtu sin lo thaw hlak, 1930-a thlaraupia piengtharna chang, Kohrana mi tangkai tak a nih. Pa huaisen tak el, tharum le Pathien thu hrila ramthim tawn ngam mi niin a'n lang. An khuoah Kristien sakhuo a lut hlim chun khawtlâng theida kai khopin khawser an nei chang khomin mei inmit ve nuom loin tuolparah kokbong dam a raw hlak a. Chu chau khom chu ni loin, khaw kawla mi an inthawi pha an hung kir charin an bawlhmunah a fe a, an maicham dam chu hung khum dokin khawlaiah a leng ngeu ngeu hlak.

Kum 1934-a Hmarchate khuo a ûpa lungdaw dinga a fe tumin vanmihai leh hlim taka hla sak tlangin an inpawl niin an hril. An inpawl zo in hung inlawi chu a hlim êm êm a, a hmel khom nasa takin a danglam an tih. In a hung tlung chun a tongtai a, chu taka inthok chun tongtai hlawtlingna le hla phuok thiemna thilpêk ropui tak a dong sa nghal niin an hril bok. Chuong ang mi chu a ni leiin Pathien khomin a hmang nasa a, tongtaia mi sukdam theina thilpek dâm dongin mi lungzing tam takin tongtaipek dingin an pan hlak.

A hla phuok haia inthoka hmu theia um chu, ama hi thahnemngainain a sip a, rongbawl na nunah thuoilutin a um a; khawvel hi tawp vak dinga a ring leiin sandamna la chang lohai an voi êm êm. Pathien kuoma a tongtaina chu hlain an sam suok a, sandamna la chang lo tamtak a hmu si leiin, Isu hung nawk el dinga a ringna chun a bei a sukdong lem hiel hlak. Hieng anga tongtaina inhlan hlak hi ringtu tha inti lai khom mi an vang hle ring a um.

Voi khat chu inkhawmpui tumtiak Thawtanni zingtieng hin mikhuol po po chu khawlaiah an inngakhkawm a, inthena hla sakin an khuo a sawt hle a. Thlarauin sin hung thawin inthe thei loin chawhma zet chu hlimin an lâm el tah a. Chuonga inro êm êma hun an hmang lai chun Pautinkhup lungriah hla a hung inlang a, a thu le thluk ni danga a sak zing zing hlak ang elin, *"Hun a tawi taluo ie, hnuoi nun lawmna par"*tiin a hung sak suok ta phut el a. A thunon *"Damtakin unau ngaiumhai ir̄he tâng ei tiu"*ti a hang tlung chun mi tin el chu an mitthli a parol tuk seng. Hi hla chang li zet el hi chu hmuna pungkawmhah chun an inchuk nghal a, an inthe dar hmain an thiem hman vong niin an hril.

*(Gospel Centenary le inzoma 'Mihrâng Pasaṯṯahai' ei lo insuo hlak chu
hi taka hin a tawp tah -Editor)*

Hrepuitu : February 2011

chi umna le lunghlu bedolak le berul umna a la ni nawk tah deuh deuh! Chuong ang huon ropui le famkima chun Pathienin a mihriem siemhai chu a sie a nih. LALPA Pathien chun mihriem chu a thuoi a, Eden huon enkotu dingin a sie a nih. Pathien siem mihriem hi um mei mei dinga siem ei ni naw a, thil tha thaw dinga siem, Ama kutsuokhai ei ni a, chuong ang a thil tha thaw chu ei um dan dinga Pathienin a lo buotsai lawk a nih ti'n ei Pathien thu chun a mi hril a nih (Ef 2:10).

Eden huona thei ra po po kha Pathienin an fak a phalpek a, sie le tha hrietna thei ra ruok kha chu an fak a phal nawh. Thaw dan thiempa Setan, ral hrangpa thaw dan chu ei pi Evi lung mawlin hre thiem loin, fak seng lo thil thaa vur an ni laiin, fak lo dinga ti sie le tha hrietna thei ra kher kher a lo fak chu hril lo, ama fak chu dit taw el sien chu a zie a la um el ding bah, a pasal a la hang hlè nawk tah deu deu. A va poi lawm lawm de aw! Tu chena Pathien hmangaina kul sunga thlamuong taka um hlie hlie ding khah, Setan ngamthlemna leiin anni pahni le an thlahai po poin thina hrengthir ei lo bun tah a nih. Ei pi Evi ei puo ve tawl ni naw nim, ei taksa ta dinga tha fak le dawn ding hieng zozai um laia a ngei naw zawng chi kher kher thaw ei ching tawl tlat khom hih! A'n hnu tah hnungin "A va poi de aw!" ei ti nawk ang loi bok si.

Pathienin khawvel a hmangai leiin Adam le Evi khom kha Eden huona an um zing a phalpek ta naw a nih. Genesis

3:22-a chun, "Ngai ta u, mihriem chu eini ang boka sie le tha hrie a hung ni ta leiin, hringna thing ra chu a kuta loa fain, chatuonin hring pal hlauh rawi a tih" ti thu Lalpa Pathien hril ei hmu a. Suol nei pum zingin thi thei ta loin hang um ta hrim inla chu a va hang rinum awm de aw! "Kan dam sung chu kum sawmsarih, hrisel leiin kum sawmriet khom; dam sawt chu rimsik tuor sawtna" (Sam 90:10) ti a ni a. Suol put ei taksa hi chatuona dam ding lo nisien chu Krista intlanna khom hin umzie nei naw nih. Ei pi le pu lo fam ta hai po po khom kha la dam an ta, ei va tam tah awm de aw! Pathienin leihnuoi dang ami siem sapek a ni ngot naw lem chun ei indel thuo er ur el ding a ni awm a. Dam sawt dâm hi ei nuom vieua chu chatuona dam ding lo ni ta reng inla, ei pei chie dim aw? Ei Pathien thu'n dam sawt chu rimsik tuor sawtna a ti si a. Thasiem chu a dam sawt hle a, sienkhom a tawp a tawpah thangthar nun a nghok taluo leiin a nghok hlum top niin an hrilh. Hrisel lo deu damin, zun le êk inthiel thei ta loin dam zing el inla chu nghokum vieu dingin ka ring. Thi theia Pathienin a mi lo siem dâm hi hmangaina lei a lo va ni chieng de aw!

Pathien hmangaina chu tuin am hril zo thei an ta? Vanah hang lawnin vantirkohai khom hang indon ta reng inla, Pathienin khawvel a hmangai êm a, a naupa pakhat nei sun a pêk a nih ti bâk hi chu an hril thei bik ring a um nawh. Pathien hmangaina thu hi misuol bau hin hril suok zo thei ngai naw nih. "Mi fel ta

dinga thi nuom an vang hle el thei a, mi tha ta dinga thi ngam ruok chu mi an lo um khiet el rawi mawh. Pathienin a mi hmangaizie a suklang dân ruok chu, mi suol ei la ni zing laia ei ta dinga Krista a hung thi el kha a nih” (Rom 5:7-8). Eini chu ei nuhmei amani, ei nauhai amani suolna khom ngaidam harsa ei ti hlak, nauhai suolna ngaidam thei ta loa hnot suok hiel khom hmu ding an um zeu zeu. Pafa le unau khom suol inngaidam thei loa inthal raw phel chen khom an um hlak bok. Pathien hmangaina ruok chun ieng ang suolna khom ngaidam thei lo a nei nawh. Ei ngaituo rawn po leh a’n thukzie le a’n sangzie ei hriet chieng deu deu el a nih.

*Van hmangaina tuipei intling,
Kalvaria hung luong suok khan,
Ka vêlin a mi chîm a nih”*

-(Rev. Thangngur)

Pathienin a naupa khat nei sun a mi pêk el bâka hin hmangaina thilpek hnuoi

malsawmna tiem seng lo khom a mi vur sa teuh a nih. Ei nunghakhai le nupuihai be le bun mawi ding rangkachak le lunghlu rong chi tinreng dam hi hnuoi sungah a mi lo phumpêk teuh a nih. Vuongtheina le inlirtheihai vuong le tlan theina dingin hnuoi rilah thautui a mi sie khawlpek teu bok. Pathien hin chu a mi lo hmangai êm êm ngei. Tu laia khawl mak tak tak komputer, atom, etc thilthawtheina hai po po khom ku hih Pathienin ei la mamaw ding ti a lo hriet lawk vong leia hmangaina thilthawnpek dinga hnuoi ril le boruoka hai a lo thup rûk vong a nih.

*Pathien hmangaina a mak ngei,
Ziek le hril sêng ruol hrim an nawh;
An sâng zien chung si-ar a khûm,
An thukna’n hnuoi hmun tlawm a sun;
Misuol hring tlaklohai damna’n,
Pa’n a naupa a pek,
A naupa inremnain,
Hringmi suol a ngaidam.*

Mission Field 2010 Audit Report

Executive Committee-in a lo rêl tâk angin Delhi le Uttar Pradesh Mission Field hai 2010 sunga an sum ngirhmun 7 February 2011 khan audit a ni a, a hnuoia hi a ripawt chu a nih. Pu Lalitana Chhangte le Pu Timothy Shakum hai lo hmalakna zârin ei mission field-a um rongbawltuhai hin an sum hai audit dân lampui hre tahin an intodel pei thei a, lawm a um takzet.

Audit report-a inthok hin kohran puitling pei dan hmu theiin a um a. Mission centre hai laia upa tak le puitling tak, Shiv Vihar kohran hin Pathien ta dinga thilpek zieklutna (account heads) chi li an nei tah a, a danghai ruok chun Sunday offering bâk an nei nawh. Anni le anni inenkol tumna le ramthim invoina lungril an hung neia sawma-pakhat le missionary fund an hung pek vat theina dingin tongtaipek zing ei tiu.

Detail phek 9na ah aw...
Hrepuitu : February 2011

Article.....

I Tongtaina Hriet A Nih

-Evan. Vanlaltlan (Shiv Vihar, Delhi)

Ni kum 2010 khan ka’n ngaisiein ka bei a dong êm êm hlak a. Chubakah, ka thla a se a, Pathien kuomah ka tongtai a ka tap ka tap el a. A donna hlak chu ka hmu el si naw leiin lungngai taluoin kan rûm kan rûm el a nih. Khawvela chêng khom ka nghok a, inelrelna, lungngaina le beidongna um ta nawna hmun, van ram ka ngai vong vong hlak.

Voi khat chu rongbawl dinga Haryana tieng ka fe suok laiin ka lungrilah dam te’n Isai 42:7 zieka mi, “Ripa intâng le thim hnuoia intâng hai insuaa thuoisuok dingin nang hi ka ruot che a nih” ti thu hin a mi hung biek a. Ka thilthawtheina hi hrat nawnaa inthok an son naw sukfamkima a um hlak (II Kor 12:9) ti thu khom a hung tlungsa a.

Hienga Pathien thu ka ngaituo zing lai hin ka lungrilah thli a hung hrang hieu hieu angin hla thuin a mi hung pawl nawk a. Hienga ka lungngai le beidong lai zing hin Lalpa’n hla a mi pêk a, chu chu ahnuoia ka hung ziekdok hi a nih.

Hi khawvel kan zinna ram hnuoi rinum hi, Ka suksan hun la um a ta,
Chu pha chun aw, ka mithli la hul a ta;
Ka tlantu hmêl mawi ditum chu la hmung ka tih.

Khawvel mi haiin mi lo hnawl sien khom, Ka tinna chu Krista a ni si,
Khawvelin tling lo angin mi hnawl sien khom, Ka Lal Krista zarin tling ka lo ni tah.

Ka sakhmêl le ka nina ka en khomin, Tlinna ding a um si nawh,
Ka tinna chu Lal Krista a lo ni tah,
Ka va lawm ngei de aw, Halleluiah.

Hrepuitu : February 2011

Pathien Thlarauin a min pawlpui lai chun hun liemta a ka beidongna le ka lungngaina po po kha ka ta dingin malsawmna tui hnar mi lo siempektu an lo ni zing thu ka hung hriet a. Lungngai deua Pathien kuoma ei tongtainahai po po Lalpa’n a theinghil naw a nih. Ei rawl hi a mi ngai thlakpêk zing a ni ti hi ka hril nuom tak a nih. Israel lal, Hezekia ngei khom kha thi suolin damnawin a na a. Lungngaia Pathien hmaah tapa a’n tlun meu chun Lalpa’n, “I tongtaina kha ka lo hriet a, i mithli khom ka hmu bok a, i dam sung kum khom kum sawm le kum ngain suksei ka tih” tiin a don a ni kha (Isai 38:5;6; 2 Lalhai 20:5;6; 2 Kron 32:24).

Kei ngei khomin ka hriet ve phâk kan rongbawlinaah kum sawm chuong nupa nitah nau la nei lo an um a. Ka rongbawlpuihai leh tuk tin tongtainain kan hriet hlak a. Tuhin a nuhmei chun nau a hung pai tah a nih. Pathien kuoma ei tongtainahai a thlawn naw ti lo hre chiengtu ka lo ni ve an tah. Pathien kuomah ei tlu lût phot chun a thlawnin a min kirtir ngai naw a nih. Voisun chen hin mi tukhom lungngai beidonga Pathien kotuhai chu a thlawnin an la kir bok nawh. Ei Pathien hi bêl tâk Pathien, ring tâk Pathien a lo ni tak zet el. Hla phuoktuhaiin “Ka Lal ditum, bêl ding tak chu i lo ni ngei, nang chauh hi ka muongna le himna kulpui, thiem min changtirtu, ka damna i nih, ka himna le lawmna Lal Isu” tia an lo phuok hi a’n dik khop el. Unauhai, lungngaina ei chungah a tlaa beidongna ei tuoka ei tongtaina a don ta naw mani aw tia ei inngaisiet lai khomin ei tongtaina chu Lalpa’n a hriet zing a nih.